



秋澗先生大全文集卷第十一

七言古詩

題耆英圖奉呈子初中丞

張生好奇兼尚友古畫古書長在手欣然示我洛英
 圖便覺奎光生九牖衣冠磊落十三人閑著一枰談
 治否堂堂文富兩具瞻天下倚安貞大叟平頭七十
 是尋常獨有端明未期壽方辭晚進不敢班列宿光
 中已瞻斗北門易慮望佳招王拱辰千里馳書恨官
 守升平盛事那得再夢寐席間把卮酒吾儕起敬當
 如何再拜乞靈三叩首君不見西周文物稱全盛除
 却邑姜纔得九神崧問氣萃比多周鳳魯麟紛在藪
 鄭郎繪事固入神自是德星傳不朽我思仁祖慶曆



中慶曆政有三代風斯民皞皞樂其樂六合一氣開
時雍扶持位育恣是諸賢功熙寧天子錯料事以忠
為邪邪作忠放教公等在散地擢置安石司群工惠
卿繼用二惇起當時何止驚三空嗚呼以人為鑑古
所取安得獻此與論治道之汚隆願君深藏勿輕出
世代雖遠多青蟲

紫芝歌

繼胡紫山集瑞堂詩韻已丑秋八月有
紫芝產陶戶朱良舍下凡五六本此最
異者

陶坑削崖蝸作室和氣所鍾無不集非綠石潤木之
精平地抽英昭茂德蓬牕一夕爛生光紫蓋彤光照

鄉國氤氳五彩畫不如駢秀連莖莖於漆考祥吻合
農帝經表瑞無慚柳州筆老翁百歲見未曾醉將蒼
髯曼如戟郡人爭欲飲至和奔走來觀恐無及出門
秋望稼連雲汝芝汝芝安所吉

圯上行

邳州道中作十一月
初四年刻書於宿遷馬驛

楚兵東來殺為嬉烈火西捲如颯馳為藪驅爵恐過
慘天賜漢以興王師憶初槌秦天下震盛氣不折將
徒為泥中進履屈亦至不爾安制重瞳兒往年親祀
濟北石此日還賦圯橋詩神龍變化不復見仿像鬼
物來陰機素書三卷不必怪要本老氏持其雌持守其雌也
題長江萬里圖後

拜年屋居三十春老境誰遣東南奔去秋有

詔使持節北自邳衛官甌閩閩中水淺百味澹但覺
草木多精神展放江山萬里圖卷中蒲酒似堪娛寄
聲故國游觀客卜築蘇門儘可居

蓋乃劉合秀家藏所恨歸映不出一手耳

問吳臺辭

吳王宮殿尋無跡只見山蒼湖水碧步上高臺散客
愁十月江南看春色晚風吹雨濕闌干簷花泫露宮
娃泣欲撥愁煙問故臺愁煙無語空蕭瑟是邪非邪
不必辨且爲興亡求亂隙夜半娃官作戰場總罪君
王以色荒春秋責備大法在不道延陵退耕吳已亡
聖賢處變責達節審勢不得同曹臧當年泰伯終三
讓明見丕承有聖昌

南臺懷古

封君妙遙裔重光麗無諸憶提越甲佐天討翦羸摧
項開雄圖保邦事大需厖澤至今國俗猶薰濡石搏
劍沼兩寂寞山川良是先王都越人感德知所尊廟
鼓猶陳漢薦教潮去潮來朝又暮花謝花開秋復春
千年事往遺烈在草木凜凜來威神廟中筠簋萬有
卜陳說禍福稱靈珍我因拜禱問來事繇辭灑灑何
其真殊方遠宦乃氣數品秩雖到多遭迨正須耐辱
安所遇不久拔出東南閩生平行已半流坎雖老而
壽猶朝紳鞠躬默謝神既厚得遂歸隱餘何云我來
正值群祀日伎樂朝獻爭趁奔越巫紛拜靈欲駕冷
風滿旆翻凝雲回首簫臺祠下路蕭蕭寒雨濕蒼麟

今廟基即漢高帝封舞臺也

游九仙閣

三郎百戰開闢國鏘搶基圖專詐力二嬖恩光象服
尊九龍帳設香雲濕朝參寶皇宮暮禮妖師席國事
一從神所質九仙結構豈此時萬瓦鱗鱗跨空碧閣
中景氣四時新往事如雲散無跡我來登陟縱遐觀
一榻清風抵萬錢暫與塵襟豁煩滯橫欄直下看三
山

雜言寄中隱信宣慰時在泉州近辱書過
蒙遠問空惚間不時奉荅獲罪多矣人行
謹以雜言為報奉別後一粲

寒子元年東魯客初識君侯髮如漆平生高氣樂新

知一笑論文真莫逆涼風八月中秋節月滿金樽惜
輕別邂逅溪堂又五年情好比前尤款洽高堂轟飲
幾連明四座歡呼倒冠憤當時樽前鬪年少豪邁不
知家立壁興來為我掃雲煙思入天機妙無迹我識
君侯此餘事落筆縱橫見奇策自是睽違三十秋只
今同客嶺南州天涯牢落儘愁絕况復兩翁俱白頭
書來慰我見安好細字滿紙紛銀鈎故園風物信如
舊柳子初豈為山囚春雲夢濕蘭若翠壯觀雄翻海
岳樓近從潭府閱家數筆力已復追營丘煩君吮墨
留餘溢重為靈均作遠遊

云近從潭府閱家數

中隱乃雲南道號近於魏

李夫人畫蘭歌為郎中孫榮甫賦

清闕堂深不知暑瑤草佳期夢玄圃孫郎笑折紫蘭
來素影盈盈映脩渚李夫人澹丰容天然與蘭相始
終剡藤一筆作九畹落墨不減江南工芳姿元與凡
卉異擘擘况是湘纍聚離騷不復作遺恨千古沉幽
宮君看此花有深意似寫靈均幽思悲回風君家大
雅堂文采東野翁併入慘澹經營中秋風拂簾秋日
長芳霏霏兮汎崇光澹粧相對有餘韻畫欄桂子空
秋香淡軒託物明孤潔五十年來抱霜節固知色相
皆空寂妙得於心聊自適仿佛湘娥倚暮花黃陵廟
前江水碧生平佩服真賞音外聞紫庭非素心喚起
謫仙搥醉筆爲翻新曲瀉瑤琴曲一作操
右夫人名至規號澹軒亡宋狀元黃朴之女長適

尚書李珣子早寡今年七十有二善畫蘭撫琴近
為卽中孫榮父作九畹圖若與蘭為知聞也且自
叙其後云予家雙井公以蘭北君子父東野翁甚
愛之予亦愛之每女紅之暇嘗寫其真聊以備閨
房之玩初非以此而求聞於人也卽中以蘭省之
老一日來徵予筆遂誦點污亦何忍但覺難為辭
之詩以應之孫求歌詩於予因樂為賦此者正取
其節而不以其藝故也秋七月初吉秋澗老人題

雜言庚寅七月二日病告中作

我今行年六十五得至縱心能幾許憂愁風雨每太
半念至於斯足悲楚縱令得邁七十壽比老於心當
悅豫不然終日疲事役歿而後已真愚魯君不見人

問聲利藏禍機迷着世人曾不知得之志揚失之沮
一死與博爭奔馳又不見朝花纔榮暮雨惡火竈方
熾寒灰隨攀援高貴鄙卑賤得勢未必皆便宜至人
大觀出世表肯爲造物相調戲豁達一篇莊叟論太
山毫末較來齊

福唐中秋對月酌劉端友見贈之什

少年愛月長苦吟賞玩不知清夜深擬揮玉斧手盡
掃丹桂陰高歌起舞弄清影直入月脇穿天心節序
依然人老矣所事感懷無可喜少陵有浹濕金波歎
息無家清夜美當時流落止鄜州况在甌閩數千里
此夕常娥海上來謂三山距海九十里冰輪蹴踏驚四開牀頭
有酒不復飲追憶少壯令人哀老人病骨防風露靜

卧空齋深閉戶却從虛幌看清光四壁秋蟲饒夜語

題釣臺并序

至元二十六年己丑歲冬仲九日予自

桐廬舍鞍鼓柁取道嚴瀨既午艤舟祠

下登拜遺像肅如也歷觀古今題記多

論其形迹未有明先生之心者天下有

二道出與處而已先生之起義明君臣

順乎天也浩然長歸氣信名節遂其志

也夫三公坐而論思明是理而表萬方

者也是則佐理之功矧尚何爲因留詩

招隱柱間入客星閣眺羊裘軒降觀釣

臺書院山光叢簇江流有聲若有以回

俗駕而謝逋客也江行有程促之而去
回望雙臺頗厚有枉少中大夫福建閩
海道提刑按察使汲郡王其斂在書

劉郎少年同几席綉裾朱衣稱謹勅六龍一日飛上
天豈爲故人談往昔原陵欲臣意有大隱何心學
夷隘當時雖落物色中肯以三公易其介先生豈是
煙波徒奕奕星芒動帝車一言稍峻得狂鄙况復好
爵縻其軀君臣大義已明了助順又見懷仁書君房
初不識微意尚欲求益何其迂一竿雖老桐江月儘
着清風厲薄夫

洛中吟有序

近讀邵氏所書洛中雜事撫卷三歎今

人有不能已者嗚呼五代間亂離相繼
其否極矣生逢茲辰一何幸哉故孫樵
有坐恨不得爲太平人良有以也因劾
康節謝温公買園詩格綴集所見賦洛
中吟一篇其辭曰

萬方文物洽堯雍若論聲明極洛中地自水南連洛
北治從真廟到神宗摠將六合清明氣散作三川禮
讓風道統有傳程邵在勲名無比富文崇棚車載酒
都人賞名教傳家習俗同花木四時春不老耕桑彌
野歲長豐三千步幃家雖侈十二行窩樂最融春酒
泛香沾翠幙夜花和露買筠籠小車高閣期真侶魏
紫姚黃擅化工愛育摠歸君父聖論思不出廟堂公

荆舒變法無暮月社稷垂亡到一空讀罷滴然清興
遠一簾花影曉光紅一作讀罷空然還復感

竹鹿辭并引

竹鹿出南海不合刺國赤毳雪文狀若
龜背然頂有霞茸葦蕤如珊瑚巨枝至
元廿七年秋八月上進過福唐予親觀
之昔梁孝王遊兔園宴忘憂館命文士
賦苑中諸物文鹿其一也今以公孫詭
賦攷之正此鹿也因作竹鹿辭

竹鹿亦瑞獸頂有珊瑚茸素綦為紋負湘縵出入南
極騰仙蹤颶風吹墮海洋國駟騎遠獻燕山宮上林
玉樹青葱瓏攸伏日與群牲從一則正昭德致次則海

道通君不見漢武獲異獸非關西南封迢迢茲鹿來
漢道相比隆東南際海國萬數將見珠香犀象等物
相率皆來同

游金山寺寺名龍游舊名浮玉庚寅歲十一月二日來游二十八韻

我登金山江似練金山突兀神鰲抃樓閣參差四五
層覆壓崖巔瞰江面壁間不見老坡詩空歷長廊瞻
湧殿江山形勢互為勝直上金鰲窮偉觀裴徊久眺
吞海亭海門兩點煙螺澱舟中望處不爭多大抵蒼
茫煙一片平生歌詠古人詩此日一樽償宿願攬牌
纔過璞墓西水作磴痕風四轉放舡北渡迤東行一
葉中流去如箭瓜洲西北墮杳靄照眼鶴崖迫焦嶼
獨遊鬢髯蘇二興冒嶮比方章子慎夕陽西下煙四

起欲進何之退無畔倒裝漁艇入荒村百計無由登
北岸拖師失色都舡驚暗觸江神豈予譴我為使者
初不然先盡人為論事變力微艦巨酒半酣正坐忽
焉遺此患金山雖奇極淵險扶老登危非所便書生
氣習不一到慊慊此心辜所恋量非謝傳與婁相驚
定老懷彌懍戰艱閔投宿野人廬因賦此詩為永嘆
至元庚寅冬予自福建北歸渡江作此詩夫嘗示
人逮大德己亥十年矣衛輝判官井君德常陞倅
鎮江來別因話及焉井索書此詩云歸刻寺壁以
增江山勝槩予謝不敢當然俾讀者為遨遊之戒
云汲郡王某題時年已七十三矣

鬼車行

辛卯歲五月廿二日誅於鄂州教場十五日作

鬼車一身編九頭黑夜來過聲啾啾半空瀝血洒人
屋所遭之家無空休窮光極惡煽威雷妖孽幾遍江
南州內姦黨蔽事莫發百計捕逐無緣由

聖皇明見萬里外一網掩來同治罪憶初百鬼擁打
車此日行車載孤鬼琅璫繫頸纏車軸涕淚淋漓不
時哭死聲宛轉尚嘔啞晝夜催行不停轂路人借問
欲何之詔赴行臺加顯戮揮刀嚙食快無心奔鯨四
沛無遺育萬里歡聲動大江百城歌舞喧華屋我思
善惡人自取禍福不應深倚伏寸心少慊獲陰譴天
網天刑敢輕觸為誠克人不足心鬼車振例猶持杓

流民嘆

六月七日有巧者過門問其說因錄而作此

我家本燕雲未省離鄉國前年一霜秋稼空望入田

間禾穗黑忍飢猶待下年收一澇高原水三尺人生
重遷乃本心一飯催人忘南北水採無菱芡山收闕
橡粟雖云生處樂之物得生活扶携遠赴河南豐道
路無資日行乞毳衣穿結杖蒿藜氣力凌兢雙脛赤
我聞堯水與湯旱民免流移少捐瘠不出九年耕長
有三歲食

剝家勸課儘憂勞只爲有名多少實常平嚮爲前省
壞義廩近年無廣積江南最苦過都錢更着營司日
搔屑營司已罷民力蘇大府兼農到徒設採荒發廩
最上策近井乃能療近渴

君門萬里安得知作詩代洒流民血

南樓行送信御文佐鄂岳行院

武昌南樓跨空碧滿目江山猶往昔笑拋霜簡佐行
樞去作南樓幕中客羗予游宦江之南江南軍務多
䟽闊摘差押取固多弊甚是養威并練習十羊九牧
苟非人未免因緣出枝節卒然警惠幸無事若論罪
功孰褒黜就中貧難取可憫孀婦育翁死應絕依然
名姓在軍書按籍來徵豈容說唐兵六十即放免七
十一丁令侍側當時貞觀開元間三代仁風畧無別
幸今守戰有專職整暇虞姦正今日兵惟禁暴本衛
民不致侵漁乃良策壘陬溪洞旣荒遠顛耕其間不
無孽畬軍新附用得宜以彼爲攻易摧折前年盜起
江西東平萬爲群恣衝突只緣浪戰之總戎空使民
殘兵耗力請君詳此能一行四院規模自吾出此時

乘月度南樓談笑胡床能事畢

五色鸚鵡歌

滄溟浴日麗火荒飛走衣被照回光隴禽鍾秀更奇
絕翟翬絢煥紛天章越裳野雉太縞素上與朱鳥參
翱翔環王得之不敢受為是珍物歸

天王山川迢遞來林邑護送慇懃飼紅粒海樹雖殘
舊宿枝

君門萬里承恩入香鎖金籠暖御煙盡日充

君眼中物一鈎紅嘴儘多知兩葉翠衿真聚鵲六宮

共說鸚哥嬌天仗儔呼供內職且莫低回許苦寒

卿雲長捧蓬萊日

福星行辛卯歲自五月迄六月不雨是月
北一日河南雨三日故作是詩以

閏馬六月五日
日雨大作

河南雨足餘三尺河北救救千里赤河南穀麥賤於
土河北齊民有飢色爽氣空吹五日涼火雲不曛三
農泣天有貴神名太一前歲人傳豫州域連年大稔
風雨時全是福星照臨力幸今六合入提封
聖上同仁視如一又聞天下猶一身氣脉周流體能
適福星福星宜憫斯少分餘溢霑河北

白鹿嵬歌贈雷苦齋

太行西來萬馬奔嶺嶂橫截摩青雲山陽西北望鹿
嵬突兀絕似東山敦孤撐直上幾千丈雲煙覆露垂
天根憶初夸娥擔負分太華萬古雄跨諸峰尊有懷
孫公和自是物表人半嶺騰鳳吹萬壑飄游氛纏身

雖有一丈髮以火保耀先吾薪嘗嗟中散寡於識三
載堅扣如無聞當年清肅香何許此日乃有由東隣
苦齋老清而傲才豐識遠兼多文人見長松偃蹇卧
雲壑豈知浩浩之氣藏彌綸有首不頂丞相帽有足
不踏公卿門詩來三復有餘馥如茹秋菊紐蘭蓀平
生尚友抱苦節逸興特愛淵明真不居城府儘高尚
况欲卷迹同其倫白鹿嵬高輪困望之可仰不可親
徜徉終歲竹林下回視七子徒紛紛回視七子徒紛
紛東坡云孔子不取微生高孟子不取於陵仲子惡則隱不情也陶淵明欲仕期仕不以求之為嫌欲隱則隱不以去之為高和賢之貴其真也
瓊華露酒歌 時主辰六月廿八日也
酒之為齊釀法先麴生玉粒聽其然百方百醞品各

異要以色味清為賢并君出職光祿寺容止蘊藉涵
清妍朝來相過憐衰翁開樽小酌何從容銀罌細瀉
疑匪酒玉色照眼清如空停杯題品賞超絕瓊枝湛
露吹天風一酌氣馥烈再酌心冲融憶初蜀使分餘
瀝老頰不到湖春紅為君三燕儘鯨吸便覺輔安五
臟夷三蟲吾聞此術煮耐法連罌氣化開鴻蒙多君
屢製轉精粹儀狄拊掌驚神工橘中遊戲商山樂玉
莖策勲俱妄作浩歌為約飲中仙世間元有揚州鶴

有狐篇

黃蒿古城人絕迹有狐綏綏出復沒近郊夷曠兀兀
靜獵食無求蟄無窟依憑城社歲月深群犬噤聲畏
不逐或曾為孽化而人漢有曹瞞楚奚邱蒼形雪面

安昔尾氣出陰邪餘詭譎振毛出火嗥黑夜竊食人
家翻盜錡鬼行胃臆神不容彼為一飢還尔耳况今
白晝雜人居厥兆有占羣小侈郡侯執德儘勝妖要
絕其根心乃已老茲急捕驚脫克遺育燻夷滌腥穢
彼狐微物徒妖訛朝來一掩虞人羅叔教殺蛇韓逐
鰐公等去孤誠可歌張網埋輪非不問事有難易先
重科人百歎心當若何

罩魚歌

夏五月六日作於湘溪東軒二季
生用南泉劉之亨夢二季生事

稻秧針如溪可揭春水挑花魚失勢野人乘捕趁農
閑風暖溪深張水戲輕舸前漾撒巨網後擁罩竿遮
兩際大魚赤鮓如有神一夕雷風先遠逝終朝罩罩
盡常材抑貫壺携不餘弃行觀窟宅幾一空河伯波

神為慘悴君不見天生萬物盈兩間物物資人供所
嗜用惟有節取有時食不能勝非小惠山不幽來水
無阻智出犧皇結繩吾上焉神理下物情以類以通
無過舉於戲三代根此心後世胡為弃如土東軒歸
夢二季生我輩何辜遽如許

風狸行

後六月十五日至衛乃作是詩

風狸出桂海厥狀即援狻晝伏如蜎縮夜躍衝樊籠
咄彼乳與溺愈疾收奇功或云識風候飛行半空中
置之危檣顛順勢蹲西東越人豈此異遠進

燕山官不思汝悖疾持此以自攻愔然効順如狸聰
交州况復七縣地枉着螳臂當車衝南風不競汝親
見戈舡下海驅群龍

聖皇神武包九有任土之物皆吾寶養之如春涵如
海聲教所暨開唐封汝不聞蕭梁天監間林邑之范
觀天風審知中天御

明主一旦職貢應來同茲焉罔念徒爾耳嗚呼彼狸
何所庸懷宇記梁天監中林邑主范續觀望天風知

賀君玉林只得重孫

共山老仙號虛白未老而閑見和節琅琅玉骨潤含
滋散入雲仍衍遺澤林兄今年幾八旬飲啖行步餘
精神何元游宦已通貴慰眼又見元之孫犀錢玉果
蘭湯温洗教啼泣吾試聞充問之氣當温温繞來阿
堵莫輕動留待它年讀書用

二俊歌并序

認管温卿蓄一鵝一犬每出獵不即則
已即則必獲其或一失願以羔見償予
以二者雖自籠養指裝中來非俊無留
賞其何能爾作二俊歌以美之其詞曰

温即年少温如玉老作獵師知所蓄不勞志羽膳千
夫眼底韓盧手中鵝太行東麓雲雪崗飛鞚鳴鞞幾
馳逐暮歸不省錦鞍空獵獵霜風靜三窟我觀二俊
固奇毛擊取無虛指縱力數朝解鞍何所從鎖總弄
筆圍春風螺香不到眉嫵秀鶴翎細抹丹砂紅會當
將鬚賞不凡為君一醉琉璃鐘

題任南麓畫華清宮圖後并序

圖有閑閑公題詩作孽窠真書蓋與畫

世為三絕此卷初主於僧遜公繼為媯川松公所寶興定初松間關兵亂中保持與歸燕都今為子英家藏至元廿四年揚示予披玩者累日嘗欲賦一詩以發偉觀竟以事未暇今林谿殆盡復在燕不知且歸何人適閱淦水集見公題詩偶書此以償宿昔初弗計其不揆也廿八年冬十一月十四日秋暉老人序

三郎年老誇精健歲歲華清事游宴玉蓮湯殿浴行雲頽城幾顧環兒倩一掬游塵散馬嵬餘波不浣香囊怨龍巖畫筆馬興亡墨花暈出真妃傳謫仙辭翰兩超越媯以任公世三絕我青西游不到秦披圖空

夢驪山月林谿家藏十襲珍楊生已歿歸何人護持當有松公神

和東坡聚星堂雪詩韻

天風一夜吹端葉清曉開門驚尺雪林林萬木凍已僵漠漠長空來不絕南晦能滋隴麥肥東床任使琴絲折玄冥用壯見肅殺疫氣迎春盡消滅少年雪儂狐兔羣夢寐講鷹思一掣凍封窟宅龍挺蟄色晃書帷繒失纈中庭食飽妨散步行襯春泥思木屑一冬三白積餘威不比尋常應時警炎涼一氣不自如苦樂人生有難說羊羔金帳暖如春布被藜床冷於鐵

鷄蹠劍歌

前年官闕中偶遇牛斗客醉解胯下劍壯我遠行色

初名鷄蹠來岷嶽鐵花綉出雄雩多似連還斷斷復
續蒼精含景爭橫羅南游萬里非浪走彈鈇豈為無
魚歌飛空欲作黃鶴舉劈浪下斬岳江巖誰期兩事
俱大繆歸來掛壁如陶校吾襄物壯終汝悞不見漢
相劍佩紛相磨春雷奮蟄當如何春雷奮蟄當如何

飛廉館瓦研歌

癸巳六月六日病中作
贈王中霄

洛邑西遷漢靈泣一炬南宮三月赤飛廉鍛翻化青
鳧老瓦淪胥何所得太陰凝魄祕興亡土花千年不
敢蝕劉郎杳杳秋風客神鳥冥飛憶初格豹章爵首
尾蟠蛇建章千門風泐泐磨礪頭角入孤園收劍松
聲聽蕭瑟墨花供筆發幽光長日玉堂生五色張華
博物見初心笑此玄泓為渠說昭陵栢城初觀汝十

五年來莫渠別護軍紀漢明有書應劭箋形更精潔
道初在邇求轉遐半世看書眼空瀨冲霄持贈有深
意淡辭憐予如任俠一朝入手與神會過戶不知吾
屐折嗚呼三代不復見兩漢規模儘堪說寶藏宜與
瓦礫殊隄備有人來揭篋

清霜怨

贈王中霄君璋
昭陵栢城宋仁宗陵也
在河南華縣西南

日落偶過吳郎家入門兩欄姚魏花金盤洗粧都幾
日已覺鬢亂釵橫斜韓卿秉燭惜佳麗便恐翠袖倚
竹空春華鶴翎紅糝玉蝶粉墮髻曉羨吳宮娃我欲
問花不解語何故忽爾令人嗟東皇醉着初不問青
女潛妬飛銀沙花神歛袂避陰慘駐顏何有仙人砂
京師名園花不少今歲閑殺遊春車客懷豈獨被花

惱俗事擾擾驚無涯西風巷陌塵障面酒樓寂寂空
簫笳我因未事得臥在盡日飲客煎溪茅天教世務
不掛口遮眼幸有詩書飽時時弄筆散幽滯錢裹忘
計東坡又爲花作譜見衰盛自笑思滋願空呀因聲
寄謝紫山老落落高舉凌青霞

賀雨詩 并序

通惠河自壬辰秋開浚至今年夏六月
中穿土未已時方旱暑氣極熾兵民頗
困於役是月二十日有司請少間以紓
民力首相主減役止留軍夫五千庭議
已下而雨作盈尺賦賀雨詩以紀其事
一畝泉深龍匯碧遠引入城通太液不緣蝦口灑郊

塵又匪弘農獻琛璧稻米流脂粟米白歲與飢民豐
粒食靈臺靈沼須民力併敵一勞思永逸今年旱氣
罩火傘赫赫焚如驚楮赤萬人雲鍾揮汗雨薰染踰
時不無疫有司陳請避炎輝役敢辭辛時少息已聞
停議出中堂未午朋陰翁東址都城一雨幾尺餘何
俟巫吁而零盡浮蜥天人相感本無間金鉉調元不
多術誠心公道即天心元氣洪濛開太極餘糧柶畝
婁滿載御廩天困若京積夕陽澹灑斗門深一片波
光連畫鷁

題中山劉壽翁九十五詩卷

按部過中山憶嘗謁王文眼明欣見百年人談塵詞
鋒轉清亮故都喬木幾秋風精力有餘無少恙盤盤

定武古戰國耆舊例多神所相于今又得劉家翁人
說殆與王丈同康寧好德九十五篤實外著心和冲
世事不挂口外物不役躬軒冕真倘來眎若雲浮空
子孝以志養家温樂時雍固云賦與厚亦自存養功
常突鷄窠祖雖見九世宗不食又不語壽齊彭錢安
足顯何如此老人雙瞳炯如兩耳聰子孫滿前樂融
融歲時燕喜北潭綠常日睡起東牕紅稱觴宜有鮓
詠背祝噎不用鳩爲筇行聽鄉閭尊二老丹青蘭若
見儀容

送李蕭二君奉使安南

李仲實假部侍郎蕭假部郎中蕭隆

興人以神童出身字平則

安南九城海中吐墨誌彊丸良叢尔阨吭控背相篡

弒正倚大邦為表裏畏天事大白前王念彼人臣以
忠止

先帝包荒不遐遺南北肯分同赤子歲時宣諭極忱
誠都護諸番殆三紀豈惟璽書意曲盡錦幣殊
恩兼藥餌至仁臨御海波平銅鼓聲沉邊四教父恭
于前子遵後臣子於焉正其理前年奉表餘翠且再
歲象奴紛異議執迷托故謂來庭彼孰能欺徒自醜
先皇赫怒安遠人邊將請征思一洗秋風少約
茂陵寒已復夷廷空越鄙

嗣皇龍飛擴神武盡雪前愆

昭曠度兩階首舞有虞千正以自新開彼路
皇元一氣包六合榻外他人非所慮豈有父子一家

還異趣使華重照鬱林光積懼懷恩深悔悟二奉使
心何闇逢時吐氣思經綸縱橫正有三寸舌不在犀
翠克庭珎

嗣皇仁聖自天眷又非人力之所能德澤如海涵如
春彼交雖眇宜知聞眼穿一宥眇已久去去莫緩都
亭輪

繼翰屬詩韻昨觀諸君光和所謂眼中有
鐵皆勅敵也復為滲漉以見鄙懷

蹇予一生空濩落心侶虛舟藏夜壑誰教浪走半九
州潦倒不容停兩脚前年尺一遽呼起峻以文階深
自憊投閑置散乃分宜未免老為文字縛青綾被暖
玉堂清鶻雀何為集阿閣太平典箴不緣麟顧我削

書寧不怍滿牀堆積簡編青其奈曲江雖忠林甫惡

礪硯詞并引

予家藏風字歛硯石色斲手二者俱佳
所患褪墨略不得色聞師道吾友有奇
石善礪鈍發銳能一礪治亦太玄之一
助也遂作詩以懇之其辭曰

硯之同功甲與鋌試之敵場維利堅其或不爾安用
焉咄嗟此歛肌理妍和光挫銳今幾年本圖殺墨不
往入殆似兩鏡光相研聞君有石善礪鈍武昌赤砥
銛龍泉碧絲吐銛瀝玄潘濡首亦快張家顛我今白
髯玉堂客結習未了文房緣自憐癡絕渠復爾堆積
汗簡何由前做抑正賴公和賢

秦山圖

時元貞元年秋九月十四日作時歲賦與六十有九

秦之爲山何峻雄西連太白東華峰特隆天府樹巨
屏固蓄精祐開郅封黍離變雅西周東雲烟幻出滄
函宮不信詩書顛法制百二山河繞兩世後來漢唐
亦盛代文物雖多終霸氣千年事往遺迹在留與來
今鑿成敗君不見烽燧臺羯鼓樓祖龍墓在山東頭
丹青比興雅頌作畫史固是非九流半生薄宦走跋
踐每恨西遊不到秦我今年老百事懶唯有懷古一
念心猶存嘗聞雪滿秦山圖天機貌畫中南真又聞
髯張醉裏頭揮筆灑遍人間雪色壁西溪君范華原
嗚呼二者不復作令人氣短心茫然一朝全秦大物
忽當眼着我如在龍首山之顛卷舒巨軸閱幾年兩

都喬木今蒼烟其歸

數開有先昔藏壽國今聰山

二公異世俱稱賢畫兮畫兮得其傳

送曹仲堅赴建寧路教

武夷書院今畫圖建安林館鄒魯如攷亭文公宋世
儒主盟太學持文樞六經要是平治具上際圓蓋蟠
方輿正誠兩字有抵力遑遑仁義真亨衢入倫大統
旣攸叙不爾天理私愆同一區先生去世初未遠得
私淑者君其徒昨聞赤牒下建府圓冠喜動歐閩隅
君今見秩八品貴官府言責一事無育材不闕學田
粟挿架剩有官樓書講經會課有餘裕修已繕性深
涵濡今之所教教以此而彼所授授此歟仲堅世系
乃華胄出入鶴蓋垂文魚箕裘幸不失素業儒林振

藻今瑞璵友于疇似君家樂鸚薦重看入石渠

鴈門公子行

鴈門山高幾百仞風土雄尊號全晉李侯年少出統
袴裘馬輕肥冠時俊古來豪俠數幽并椰子不徒誇
晉問蹇予三歲東州客塵滿青衫鬢雙白書生無策
伴侯鯖尺蠖泥蟠甘退縮此時同君在幕中

時君居史公幕

下佐理并經殊有力焉

袖手旁觀駭超越條籠脫落不受羈意

表出奇人巨測捷於義鵠快一擊霜翻掣雲鷲空百
愛君肝膽向人開遇事剖析無留材世人刺梗塞靈
府米事挂眼生嫌猜丈夫所貴氣為主行義不虧誠可
取區區心計簿善問束縛疇非抱官虜春光澹沲東
湖亭素箏濁酒禱離情豹藏深霧出奇質未嘗嗟此

魯客卿我懷井谷君陰積蓋代聞涂鄉五千戶一語

為生存子孫衍慶宜英偉鬱鬱其能以於此

後也速又行省

四川群公員外郎大展其用後授順慶宣課大使甲戌歲任成都路防城軍民總管乙亥冬卒于成都得

年八十白帝城高玉壘深定秦戈甲紛西鄙民政兵

機兩肅然當時艷艷東西川公不少留我涕漣洗心

棲寂中和篇空餘遺愛歌臯賢一別人間三十秋又

從圖畫挹風流至今劍北羅江道往往旌髦見出遊

謂見鄉人王小小于羅江縣道中囑以家事公既歿蜀人至今思之精鬼奕奕如在

泉石雙松圖 何直長筆

江煙霏霏江雨濕蒲壑秋風蕩盡壁何工鉅老筆有
神寫出雙松陰泉石君看磊落橫澗枝黑入太陰凝
積鐵它時不作澗窟虬定向風巖聞虎裂煩君十襲

爲深藏隄備六丁來電掣

江南道

江南道翠竹晴沙靜如掃風煙終日畫圖間不覺行人暗中老笑行人自拈槁名利誰能死前了我行貪路發五更馬上吟看亂山曉聽聞猿聞越鳥惣道先生歸去好只緣老病日相仍非爲知機辯之早清時正有一閑高天涯何處無芳草

贈五星鄒宜齋

建安山水何環竒宜齋氣稟宜清夷天星飛跳括萬命落筆一剖無藏機蹇予歸舟次甌寧子孺病卧咄可驚爲予刺口論灾咎火頭字尾相纏嬰推原根植甚安固五日而後知和平疾勿藥言果徵願丐一詩

爲發明我今憂國渠試聽近年越寇何縱橫劫來赤囊日三捷分崩鼠穴逃餘生此時骨從弗與殊玉石併燬真無辜腰間縱有玉貝劍坐視罔救空長吁煩君拭目維南斗此去妖氣可靜無

湘中後怨至元十八年歲辛巳冬十月按事順德晨起燈下讀沈下賢文集偶賦此或云鄭即子春也

洛橋曉月光朦朧彼姝嬌啼橋水東鄭生早發與之遇挈去勝御甘長終霧綃煙縠已懍悅九歌招魂皆楚風一朝謫滿與鄭訣云是蛟娣非凡庸岳陽樓高花映紅滿筵歌舞蛟人宮海風吹散歟不見倚雲望入湘江空

摩莎辭

我從濃東來枯陂滿崎人駐馬驚問之云掘摩莎根
摩莎一斗春爲塵聊沃飢火充朝餐兩屢南來至趙
止彼壤可遊茲若焚東西跬步間乾潤迺爾分龍公
執兩機行事太不均野人前致辭荷鍾立偃僕翻淘
此物又將空戀戀無他爲鄉土一飢濱死不足慮大
稅今秋何所取州帖猶來徵事故

街東宅効樂天體嘆暴貴而戒貪得也

街東宅萬瓦新晴煙披拂青鄰鄰滿堂歌吹樂新貴
豈知賀者在室吊在門根株已爲鬼所斧藻棟竟起
高比隣古云暴貴不祥事巢覆未省鷄能存俄聞斷
棺昭隱隱應有籍入無疏親福由積善尚恐失忍用

陰適戕其身作歌爲飭附炎子未必貧賤非高人

碧玉凋枕歌壽王承旨

君不見見靈壽賜孔光俾之扶衰杖於朝安車起申公
未免遠駕越旌招我思碧玉凋枕耽養老之意更比
西京饒宛如大士冠馳送下九霄春冰藉紅牙當晝
疑不消寵光照室幾千丈寶華璀璨翻雲蛟人間有
眼未省見况用顯異張吾曹先生今年八十一視聽
不減神超遙先生節操玉比德先生文章匪玉瑀以
言以行國所仗明堂大鼎須時調

聖皇丙夜不安寐作行尚復思群豪漆園蝶栩栩不
到赤烏夢與周公邀薦賢行見及遺逸粧巖七寶先
瓊瑤從此鹿菴春更好怡然高卧養松喬

淮西行送湯侯宣慰廬江郡

淮西風土高且涼，桐波悠悠帶陵岡。流俗勁決喜戰鬪，自昔尚農今重商。今人逮我百餘載，况復限隔為邊荒。八州隸轄勢亦重，慰宣正爾咨忠良。君侯磊落識已久，吐論能與時低昂。上承下接不須慮，幽迤澤及先夷瘡。兵令畏法民有食，鎮以簡靜無更張。丈夫遠役存事業，治公如家功可量。行行旆征指淮甸，弩臺曉日翻春陽。憶昨傾蓋長安陌，一笑軒豁生輝光。功名有在心未已，相顧但惜湏眉蒼。打門來辭興不淺，思有以贈因吹揚。別懷不用作酒惡，梅花滿枝休斷腸。會把一麾淮海去，與君終歲約徜徉。

黃鵠下太液池歌贈張詹丞子有

君不見西京全盛時，黃鵠飛下太液池。雄聲東來蕩鳧路，波濤千頃翻琉璃。鸞裳蕭蕭金爲衣，至今樂府留歌辭。只緣罕見稱祥輝，較之世用將何爲。張侯家住太液傍，寵眷久沐恩波光。金閨時秀推獨步，大冠脩劍明月瑤。煙花舊禁正紫繞，翻如彩鳳鳴朝陽。張侯本是濟時傑，游刃有餘歸以德。津津和氣符眉宇，皎皎冰壺湛曾臆。兩都巡撫歲有常，守護無虞嘆先識。臨機益辨固餘事，端本澄源更超逸。覃覃詹府開兩坊，春桂香濃露華濕。鄭莊好客未足多，桃李公門半簪紵。况今六合梟鷲分，霜風靜野惡木寂。太平有望公等事，爲國薦賢時所急。顯顯士論問遠期，它日明堂須柱石。昔聞黃鵠下太液，今觀池邊威鳳集。作

歌自笑贈君侯一片野心猶獻炙

海燕蒲萄鏡歌贈趙克敬

趙郎少年有澹癖抉古搜竒曾不息神京陸海魚龍窟
窟入市驚呼得玄璧何年軒鑑覩天巧百鍊陰精開
素質王臺人去玉燈滅洞映千秋猶一日粉膏銷盡
漢宮香背像冥薰臘茶色翻翻海燕喜春晴的樂蒲
萄泣秋碧寶奩才拆走神光秋月橫江露華濕森然
毛骨溢清寒野魅山精墮幽泣藏明入時古所尚物
不將迎汝之德土花綉澁學妖蠶挂影團團恣吞蝕
照人似惡太分明俯仰取容非我職蹇予行年五十
七歲說功名尚南北青衫拂袂照衰朽增進一階真
可惜靈教不到魏文貞金鏡輸誠志當早趨郎從傍

抵掌笑識技群材有時特悽然歛衽問鏡神我髮何
由黑如漆

和張鵬飛詩韻

魯公平生書百碑衆筆腐朽驚馬神奇長沙大笑稱老
賊當時未必爲真知大師忠義我膽身大寓意於書忘
吊賀君不見路逢碧落三日觀一字未厭書萬過

秋澗先生大全文集卷第十一

秋澗先生大全文集卷第十二

五言律詩

壽史開府

開府群公表山河間氣鍾飛翻同儷景婉變獨從
龍慶會千年運中原百戰功一門傳畫戟

列聖錫彤弓霖雨思賢父中朝注望隆

詔居華表地德邁古人風學並征南癖心有尚父忠

翦鱸清碧海煉石補蒼穹脫略三朝儁從容萬石恭

都俞明治體風俗變時雍薦達多名士經綸極至公

功成心轉小量廓孰非容柱石嘉謨壯朝廷睿眷崇

何心貪寵數圖報罄丹衷降典維公共群疑可適從

欽承能致恤度作貴惟中漢紀三章約秋荼一掃空

與時弼五教致

主冠三宗壽席息光暖梅稍蠟蒂融翠梧鵲鳳秀燕
腰霧香濃毫彩知神相顏醜匪酒紅武公強不息羅
結縵而聰袖手調伊鼎刊名溢景鐘耆英追洛會遐
壽等喬松賤子何多幸凡金久在鎔寸誠芹擬獻五
福日來藁德潤餘燕桂簪纓滿漢宮一杯千歲酒遐
邇此心同

壽徒單顯軒

間氣無時歇先生嶽降申慶流椒室裔袖有鴨江春
漢苑稱多士青雲早致身縱橫蘇氏學英特賈生倫
盛德應如此文章固有神玉堂看步武滄海忽揚塵
飄泊心逾壯歸來道日新因懷盤谷隱怡悅太行雲

歟命竹林駕來陪楚醴寘詞源窮造化講席見經綸
小子嗟何述先生樂育諄顧非清廟器時辱鄙人斤
既佩雕鐫厚長懷頌禱勤微誠方獻炙誕節遇茲辰
酌以義泉水清冷勝飲醇贈以湘纍菊馨香如友人
水澄性不撓菊老氣彌振道體同康謚窮途任屈伸
年年華表底同拜白頭親

送外弟韓茂卿北上

外弟韓從愿奉檄轉補尚書部掾自梁
過衛留三日而去臨行求言為訓因書
是詩以贈

華省開新制尚書古六曹官嚴程有限吏職最為勞
受簡聯鳧行隨時覆契刀論量天下事承接眼中豪

吾弟方強仕頭顱未二毛荷囊初佩服公務久薰陶
未害居煩劇休辭任動慙一勤無不辦多慢豈難操
所事先懷慎當官責可逃古人淹典制多暇戒遊遨
簿領雖山積身心樂戰塵苦辛天二負聲實日能高
况汝韓宗盛從來衆士髦華纓影綉弁象簡映青袍
光祿何稠疊司空見贈褒非儒即政務致力釣溟鰲
繼述無多事公清善吏豪老夫雖潦倒聽汝鶴鳴臯

春夜宴史右相宅

勲闕汾陽業金貂漢相家陽春元有脚玉度瑩無瑕
神駿推宛馬跳梁笑井蛙相逢成夜集暢飲壓流霞
綺席圍聲妓銀箏合鳳琶晚粧添粉黛雜舞見渝巴
鑪暖融螺甲盤香供露芽秀空敲兩杖促節撻漁撾

甫食增陽盛紆懷發興賒舊聲今漸遠新體此無加
樓轉三更月燈垂半夜花歌長縈曲調獅猛奮須牙
辭謝寧容逗留連暫樂佳直須窮薄伎尤異是雄躋
登踏寒林判軒呈迂古一侍筵更紀僕歸燭黯籠紗
下客陪簪玉清吟擁鼻瓜嗣侯非自樂先業念無涯
待士無踈密籌邊靜譟諱有時陳樂籍張宴爲賓嘉
此夕真儀鳳明朝等散鴉寵光需

北闕

時有進拜隆典省平章之耗又以二月七日春

先相忌辰往汴京故第祀故云

禴動南衙豈特調銀字重看拜白麻轉頭雖契闊後
話足雄誇碧草傷淹賦清江吊屈沙別懷增惓惓獨
鴈謾啞啞霄漢嗟垂翼庭階愧倚葭情悠天共遠心
在地無遐會作登樓客聊停泛斗槎朱門三十載未

分鬢空華

送表弟韓雲卿赴臺

才幹稱吾弟名行邁友生煙霄須致力蘭署久留情
練事言無訥臨機敵莫勅趨

朝元有日去魯不無名榮映荷囊紫聲嚴柏府清外
司款簡潔內憲惜紛更輕重量時制銓除慮且評責
人無自恕乘勢可將迎恩擢非余出覩情怨自平斯
言當首議大體先居貞行已雖多轍開心罄赤誠諒
能持衆美不必論前程自笑行藏拙潛看歲月驚清
時悲杜舍白壁愧虞卿遊宦幾三紀殘拱任一桴鐘
鳴宜少息時按尚何營塵委漸芻狗歌長振孺纓十
年希豸觸一旦謾葵傾道在吾何慊憂深汝備明見

渠由爾達着眼在茲行聰作章徒紊行艱累匪輕南
山與秋色依舊兩崢嶸為將設察判仍舊貫可也

謁武惠魯公林墓 四十韻

金馭成陰朽山東自古疆限田標鎮戍積憤致搶攘
武惠當年傑天心霸業匡雲龍時際會風虎日翱翔
五十連城重三千戰士良一朝歸版籍遺愛在耕桑
甫定先文治來威戒代張儉恭希大帛號令肅秋霜
氣華耨鋤擾風還禮義鄉頌方歌魯盛人駭隕星鏗
雲出青崖頂烏瞻泰岱傍驅車經鵠里故宅似汾陽
山倚祁連塚祠荒綠野堂門旌虛將幄燕寢尚清香
有客追疇昔懷人動慨慷王師初破汴河朔久淪綱
文物隨雲散招徠不一亡盡收周禮樂重闢漢科塲

清秩銓華省群英萃郡庠有金皆冶器無玉不追章
蓄德需

明主流波及四方星躔從落落奎彩獨煌煌嗣相圖
光紹先猷在益彰雪山宜久重世業寢丕昌

帝道開中統皇風煽八荒重推黃閣相輕是尚書郎
兩署分荷橐千官列鴈行至今稱濟濟所在見蹒跚
原治無多術推賢用回量措材真得所收効儘非常
侯國能如此

朝家化更皇闡明雖實理勉勵之明揚一代徐通議
中流號巨防試圖援手助潛有跋胡妨薄宦新過魯
諸生懼面牆泮田饒樂育師授柰無望可惜絃歌地
塵成笥在梁力扶雖切切事迫去遑遑量分功名薄

傷時涕泗滂野煙知客恨先自栢城蒼

靈巖寺二十六韻

中土論名利茲山第一巖地靈連海岱境勝隔仙凡
紺殿通虛閣丹崖間翠嵐天低神寶嶺佛出證明龕
鷄警陰魔暴僧馴怒虎耽定師興寺始党刻不辭慙
石狀毅公恠眉厖老衲銚鍾聲盤絕壑幡影走枯柎
法護雙擺樹經巖七寶函巢棲松鶴赭茗淪露泉甘
花雨濛沙界巖圍抱碧潭布金仍趙魏仰食不耕蠶
富覽山無盡幽尋力不堪微官嗟縛律小隱欲投簪
吟就籃輿往禪思玉版叅靜緣天或假世味苦相諳
城市蛙居坎功名蟻戰酣有來求福利誰復城喧貪
風化吾儒在慈恩釋氏覃教崇緣世主風靡過周南

以此山林勝皆為佛老探茲遊聊適意他日儘橫談
翠琰詩如此清吟口詎緘顧瞻因咄咄前後至三三
山主留昏宿官程畏衆暑夕陽人影澹猶惜動歸驂

壽郡侯

瀚海流餘慶金天秉氣昌風姿先相肖節槩更鷹揚
衛郡民何幸君侯德取良幾年承此治一日意曾違
仕廩學彌勵身脩志自強物情諳漸熟庖酒不聞香
順事蠲苛媯持難懾暴狂親賢咨政體捐俸起公堂
舉意從人便何心恃已長行春忘逸獵發語見周防
門靜無私謁絃調戒急張早衙長待旦退食到斜陽
奉上惟知謹當機每克莊清廉安本分孝悌出天常
聽訟從輸臆安群賄牧羊行方端比矢處當斷如鋼

誕席闌微獻歌詩代頌章自憐鮐背叟長對德星光
却恐流雲駿終峨象角霜所期松栢壽喬嶽共蒼蒼

贈周曲山

官滿周南樂城居漢德翁酒杯隨老減詩句自窮工
甕料黃蘗刺瓶儲白粲空畫叉錢幾塊人事日相攻
昨暮招添壽今辰云吊凶新除雖有望舊債積來重
咄咄時書恠悠悠任轉蓬伸眉無寸樂棲物儘多容
憔悴鱗遺野昂藏鶴在籠固知吾道在未免此心冲
夕講詩書共朝遊杖履全暗消秋澗鄙卓有苦齋風
一覺平明睡三竿曉日紅計資徵翅價分口訓村童
縣邑多遺愛文章不濟窮曲肱而飲水樂亦在其中

夢入閩清府

已丑秋九月二日五夜夢閩府來迓品
節儀物之盛有不可殫紀者既覺即其
意賦此

夢入閩清府郊迎罄海圻初從亭傳發迓自憲司歸
萬目瞻新使中天仰

國威康衢回曲曲香霧靄霏霏罩傘雲垂蓋行歌錦
作幃申嚴森赤棒緩進佇朱衣鼓吹連天動旌旄映
日微高乘三丈轎前導一雙駢花覆朝袍紫沉薰象
簡緋散班行有叙社直見來稀履地裊如織蒙山綉
若絺籠官衫赤褐花帽翠蕤葢

天遠綸恩重霜清秀角巍繁華驚極盛心事豈輕肥
白璧防汚玷黃金惜帶圍六條申漢制八郡敘炎輝

庶政惟蠲媯流風可漸微氣和樓吐蜃官肅浦還璣
後擁才中道前呵近憲扉一聲鷄唱白推枕蝶分飛
塵世真如夢蓬累未覺非日高詩已就清思尚依依
送李郎中德昌北還情見乎辭

一自新河別經今已十年為尋江表傳重會嶺南天
鴻鵠乘風健驂駟得路先鷄香芬省署襟誼動星躔
灑落生平契留連組送筵自嗟衰病客愁卧瘴江煙
歲月隣期耄鄉閩近五千依依枝遶鵲跼跼水飛鳶
外望何其切中堅未易鑄崇高疇弗戀筋力若為前
落日鄉音杳秋空望眼穿委心歌已矣適意俟終焉
行止雖存數周旋正賴賢省臺公道在萬一故人憐

謁光武廟

奉詔趨龍朔驅車過鄜南壇傾餘里陌廟古老松杉
建武重明後中原百戰酣同翻思麗景懷古暫停駭
像儼雲臺盡炎開漢燼燁道深柔作理亂自武能哉
於穆

吾皇聖英明世祖參有賢勞夢想無物不春涵賤子
嗟前進殘年謾一堪材疏徒意廣學古不時諧杖策
非高密扶真愧耿弇乞靈期眷眷登對協時談景已
桑榆晚思非兩露貪所思吾道重少負此生慙補報
功微效歸休老亦甘冷飈知客意吹靛御鑪醢

和幹臣食粽有感詩韻 辛卯端午

傑句欣三復辭情淡且黏君吟元在北我詠實維南
粽品雖云衆名芳不自嫌懷沙悲楚屈設祭入湘潭

一昨聞辰告周防致思嚴畏縈彩縷竊食遠腥鮎
節屆朱明近家同玉版叅釘盤犀偃角帶箨筍遺尖
製變菰筒質香淳九子纖長腰烹得所木密助餘甜
老復防留膩多餐不過三縛從堂上解爽覺箸頭添
應候然微物因騷有細談貞賢餐愈潔讒佞對宜慚
我本舖糟客何心論滯淹

番禺杖

異種來番國知名自老坡杖才任操倚節自喜摩洋
尺度天然足柑黃氣色和竒姿含海霧孤植映江沱
物眇離鄉貴材稀審實訛聲音鏗瓜甲鱗介訝鮫鼉
鞭馭真雷策批亢格魯艾重輕欣得所長短稱閑拖
扶老携行便持危得力多金蛇僵自勁鮐背痒忘苛

不白浮槎使來從老伏波見歸情鄭重未許老婆娑
入手嗟神物傳看駭玉柯支順看月出橫膝伴詩哦
選勝尋泉石窮幽入薜蘿有時兒女觸却恐鬼神呵
蓋節空筇竹神鋒黯太阿笑揮堪解虎靜倚可降魔
靈壽輕無賴梅條皺可接花藤昏玳暈班點慘湘娥
桃竹那能比栲柳未足歌望塵甘却立歛迹摠無過
用舍時當審敲撞責果何更防雷雨夜衝屋學陶梭

秋月篇壽幹臣周宰取杜默爲李文定公
迪詩例

五任稱賢宰平頭數七旬分輝郎宿燭鍾秀曲山春
懷寶須時用騰蛟自蠖伸所期千室富匪爲一家貧
文彩唐儒雅規模漢吏循刃游無節錯佩服藹蘭紉

訟簡緣情得民安爲賦均處膏希孔潔孔奮曾爲姑

膏終不宣化見恭仁今歲逢初度賓筵聽具陳分安

省愈厲詩健老能神報政長書取閑居任甌塵從容
黃卷樂浩蕩白鷗馴大器成應晚煙霄漸可隣旣淹

千里足終遇九方歎况復崇公道明揚到逸民新除

行有日舊政說難倫湛露金莖濕清禱雪蟻新郎吟

秋月句來醉白綸巾再拜添眉壽無勞頌大椿願同

蟾窟桂千歲壽輪囷

送趙都司秉彝赴遼東省幕

世味無餘雋群居底許爭疾徐誰長者診拉到諸兄
吾子方強仕襟期寂老成喧聞烏亂集歛聽鳳孤鳴
行已謙而讓持心厚且誠相看情款洽有問對詳明

再世儒冠素三年祕閣榮以除遴所選論省諒非輕
營帳稱強翰

天威想濯征海澄鯨已戮地曠物多萌望重官儀肅
民安吏務清濟時紛筆議展用幾書生抱志能茲念
流芳在此行秩卑猶吏屬祿足代躬耕曉日灤江渡
秋風鶴野城蒼茫連渤解控帶本營平綠水開蓮幕
青山送去程宦遊真衣錦別思任懸旌有道開先世
孤標振直聲遼陽回首處未用愴離情

送忠翁南歸并序

元貞乙未春翰長忠翁年七十七致仕
南歸行有日平章張侯同諸僚宴祖道
於遂初亭館予亦忝陪席次明日賦律

詩廿四韻非敢以為詩庶幾表吾

皇元崇儒重道跨越前人相府瞻懷始
終盡禮張大續鹿庵之貺詠歌見楊尹
之榮豈惟

上國之光華永作翰林之故事其語曰

供帳都門讌非綠歲例過

右相城南別墅每時清連
歲春例一燕諸公

勝日簪盞半臺坡酒羨凌金谷歌酣掩艷娥盛於清

洛襖

用裴晉公上巳同
劉白泛舟洛水

柰此別筵何爰客終青顧傷

離賦綠波散花簪席帽泥飲捲鸚螺人世真流梗年

光易擲梭瑣軒涼吹急綺席落花多蕩粉霏裊綉吹

香入袖羅暫留春色住莫戀去程撻峻秩慚同列醺

客慘弗配新亭收老淚官舸送長河

聖代吾儒重詞林寵數頗諾從丞相允義見相臣番
祖錢賢疎傳衣冠似永和生還梁庾信贖重魯鄒軻
盛事傳千古儒流聳四科丹青前日畫歎息路人歌
有客孤吟悄臨風兩鬢皤圖南鵬運海遶樹鵲依柯
早晚同長往徜徉隱澗阿此懷從落寞起舞且婆娑
道在無南北擲家立賢無方果材非謾琢磨醉歸扶
路晚里巷認鳴珂

賦手植檜酒鍾

千載東家檜榮枯與道俱鐸沉金絕嚮鳳去洛遺圖
元氣蟠根祗斯文見盛汚器圓傷失制梭削嘆非枒
梁棟無隆用杯盤伴飲徒泛香宜盞齊奠獻媿龍觚
沾漑餘周魯淵源挹泗洙雅同吳壽鼎高亞博山鐘

刺口論三代高歌共一壺或延中聖客或約醉經儒
閱古因懷昔相看醉捋鬚蒼煙空左紐偃蓋凜相扶
歸詠絲堂樂摠衣闕里趨回思鐘鼎事一笑付桑榆

哀曹府君詞

維至元乙亥夏四月癸卯前行尚書省
左右司郎中曹君卒於鄉里後九日聞
訃適有令開廩拯隰予特請行將致一
哀旣而不果逮十四夜見君於夢邀予
坐故第前楹汎滌供具促膝晤言話其
平生甚悉夢中相對爲歔歔也覺而賦
此聊伸白馬素車之願二十日辛酉命
州屬吏路材代予往奠俾火其詩於栢

原以告君墓魂而有靈尚克昭鑒嗚呼
哀哉君諱松年字壽之享年七十有五
世為隰州隰川人

聞訃纔三宿衣冠夢兩楹消除開故室拂鬱話平生
息弱哀無託才清老有聲撫懷思攬轡將事過持盈
細札紛遺簡謂二月有書山煙慘樹旌素車空佇望
柩馬想悲鳴懷舊星臨曙傷貧淚滿纓紫川西邁意
端欲為君行

送趙克敬判定武

趙子公侯裔雍容館閣才美除官定武增秩自邢臺
喜溢家人敬春融處士懷沼蓮香莫府衙鼓響廳階
雲靜靈光塔風清雪浪齋敢辭推按剽那憚簿書埋

任責騰聲譽隨時免謗猜不教民事緩肯失上官諧
人樂家餘袴官清甌任埃鼎祥新有說世系舊為裁
華胄洲流遠慈親壽域開嚮來餘藻節此去要培栽
惜別輕三載離筵重一杯君看忠獻業超擢此中來
省題詩

紅藥當堦翻

紫殿春光晚芳叢夏景暄綠萱垂地合紅藥當堦翻
粉藥金腰束嬈旗絳艷繡涼颼飄碧砌清影動朱軒
白傳吟何婉玄暉思不煩顧瞻栖鳳地折贈詎容言

朱干玉戚詩并序

至元二十五年戊子秋八月五日夢
先師泌陽府君命賦此題寤寐中得成

韻語者數句既覺因足成之

禮制詳三代軍容備百王錫于朱作飾戚祕玉為章
持總如山立張皇見武揚威伸三令肅近作一身防
商翦歌周雅夷清頌漢昌格苗先此用萬古仰虞皇
以謂帝舜數文舞千全不尚武致苗顛自格後世以
征伐有天下然後象干戈備樂舞以顛其成功此後
王之德
不及也

何參政母夫人哀辭

友義當匍匐無從涕泗漣升堂元有約臨窆不容愆
念子初何異嗟予重惘然會須陳漬酒孤酌廣平阡
享福年幾百升堂拜慶三丰容宜象服陰教動周南
子孝終身慕家貧極旨甘併將風樹感彤史後來譚
德邁魚軒貴恩湧鳳沼春遠遺彤管美妻斷素車塵

在毋稱賢範康時產異人故家桃李月何止詠蓁蓁

仲和張君孝友純至來來詩因賦此以贈

揚歷滄江客康寧白髮親宦游非不達純孝與為隣
養志曾參事遺羹考叔仁汴都三萬戶獨擅一家春
致樂如君少長歸便毋安物生皆有養色順最為難
夏清簾幃暑冬溫枕被寒慈顏何所喻庭柰見來丹

題常仁卿運使西觀紀行

九萬鵬搏翼孤忠駕使輶功名元有數風雪不知遙
抵北踰鰲極維南望斗杓胡生搖健筆且莫詫東遼

出五代史突厥回紇同州郃陽縣令
胡喬亡歸中國作怡勇記

三策條民便逾年致節旄夢驚羊腓日嶮歷幻人刀
碧益昆堅異黃金甲第高白頭書卷裏留滯敢辭勞

太平宴二詩

海寓初無外王師信有征
秉旄麾戰旅漏網得奔鯨
清晝來三捷歡謠沸百城
從今田舍底白首樂昇平
西北烽煙靜東南海祲清
太平元有象帝履見餘禎
愼敵無多殺推恩屢戒輕
公堂歌舞處秋氣正疑平

冬日即事

春磨次飢火衰榮笑物情
百年能幾日半世太勞生
白首耽書若黃金過眼輕
有懷如此癖何往不艱征

壽韓生弘

桑秉天然厚青衿雅韻多
執經忻鼓篋入室鄙揮戈
杜壘吟來細韓塹氣欲摩
致身忠與孝會見奉璋峨

哭友親完顏仲希墓

宿草西河客隆顛塞外春
死留朋義重生與醉鄉隣
天老株林雨魂香蟻穴塵
我來還獨酌黃葉鳥聲頻
挽吳衡甫

壽王子初

波蕩江湖士來從隱逸居
醉吟忘楚越箋學子到蟲魚
拊髀驚凶訃霑巾覩故書
慨然西望斷山色照空廬
近世佳公子詩書看起家
處身何不可致養略無加
信厚歌麟趾文章粲劍華
一樽添壽酒猶及泛黃花
秋夜月下獨酌時回自燕都

堂虛生夜白院靜散蟲聲
月下酒杯酒曾中無限清
艱難吾道事冷暖故人情
爲報南枝鵲安棲不復驚

治穢

聖戒防微漸常懷蔓蔓圖菊荒疏琴箏竹密斬繁蕪
舉目晴山近當軒恠石孤放教今夜月清影滿庭隅

贈彥政副使

一世佳公子氣涵渾水春衣冠逾遠澤翹葉豈謀身
白壁詩名重清燈客舍新不妨宛馬足暫屈到河神

清明日南寺對雨時在東平

寒食無家客禪房喜兩餘坐深僧話永心遠世緣
厭捲柳瓢醪來叅貝葉書傍人從不悟有待曳長
酒盞尋春晚茶甌破睡餘庭雲花寂寂雲淡雨踈踈
有待存終始無心望簡書何當玉堂客脫此馬

秋夜

卧榻鋪筠簟風簷透晚涼雲枯澗早氣星爛射寒芒
鐘鼓寒更永乾坤夜色蒼時危關百慮低首拊空床

出門

因酒敗佳意方知百拜輕忘機甘李喻重賦赤霄行
踈拙傷吾性傾危見俗情出門山氣好秋色浪崢嶸

挽真定史二相君

凭鳳攀

龍起貂蟬奕世侯九天資岳牧一夢忽山丘淚溫延
陵劍駿停魯相鞠八州遺愛在滹水日東流

挽武安道

故失邯鄲步憂分陋巷簞持身心已亂得病衆知難
夜月琴絲暗秋風旅殯美人生罹此極命矣復何嘆

壽雷彥政

南渡衣冠後如君不數人氣涵渾水秀色映塞垣春
靈沼儀周鳳商郊獲魯麟壽杯傾菊露同拜倚門親
去歲龍沙月流光共薊門寒華驚晚節客舍壽明樽
取友襟期在傳家命脉存今年秋色好笑語北堂温

白松

霍岳祠南寺奇松勝所聞孤根生得地衆木迥難群
霜雪封琪樹丹青變錦紋山靈應見惜時與護晴云

早發泓芝驛

西邁經猗頓鳴珂夜半過天低平卧斗野迥陔懸河
赤日三庚伏紅塵兩鬢皤老懷多故際吟短不成歌

禹廟

布在安邑故城內甲十九日無祀

玉帛中天會謳歌萬國心風煙遺在禾黍故宮

崗負黃龍背山攢碧玉簪野人欽帝德留話共登

温國公故宅

雲表台星爛蒼煙故里深砌槐散蔭升鶴蓋想成陰
愛極憐烏乳思餘思竹吟繞園欣細履何限敬生心

周幹臣詩韻和

近得閑中趣都無俗物侵風霜驚老鬢道德負初心
枕倦書橫膝庭靈樹有陰殷勤周吏隱時遣道清吟

和秋漲二首

泉峪從共會奔流到衛雄新詩來幕下歸興滿舟中
取少陵胡怒捲濤山北雄吞海若東我思泛舟役

為只合胡氏泛舟之役輕惜幾千功謂太宮之木

兩後聞溪漲先聲噴簿來氣嚴千騎駛波急萬窠回
終古朝宗去神功念禹開寄言歸義子款塞莫遲徊
題有趙義士三侯祠

雙塚連遺廟風雲擁義壇難與忠可壯事集死尤難
烈日丹衷皎青山白骨寒一杯來酌祭用激懦夫肝
禱兩孚惠靈祠

夜半清源道來伸禱兩誠壇園形覆金泉邃碧為泓
霸業開三晉風煙暗九京一杯臨水坐便欲濯塵纓
慶王文子壽八秩之壽

遺愛汾西政耆英故里居期頤八十壽精健五旬餘
捨策春流憩龕燈夜注書更怜溫清際蘭玉滿庭除
奉酬 紹開外郎

畫省胡貲外都城憶昔遊分携無半載渴仰若三秋
已辦催科拙寧煩任智憂何當償宿願相望兩山州
星子鎮道中

地下星關道川開百里寬夢殘傾錦帽吟細緩征鞍
土峽深回洞山田疊醮壇一杯亭傳酒來為敵霜寒
題栢壁鎮

峽古疑天設營空故壘存捐金行楚間力戰決齊吞
馬足沾霜健山煙漲日昏治安誰有策一笑出關門
夷齊墓

遠避東鄰霍還遮北伐頰與天重立極叩馬死成仁
落日悲歌壯東風紫巖春一飢雖可療終媿是商臣
舜井

廣孝銘遺井千秋仰有虞側微多在困捐浚失之誣
喬木非三代雲煙接兩都依依風樹感不待露霜濡

河中

歷按河東道蒲津勢最雄河山全晉鄙土俗半秦風
野日連墟壘孤煙認佛宮論功無渾馬極口說先公

登歷山聖人嶺

形勝關三面臨觀醉魄醒松悲虞泣涕石老象頑冥
澗水縈瓜蔓荒山卧虎形野人無所解尊禮九真靈

跋運使張君會琴圖

雪徑尋無路東林素有期琴絲凍欲折風袖曉還披
偉觀疑韓愈幽林付穎師無由陪杖屨只悟畫中詩

田間

斜日秋瓜圃雲閑雨過初平疇交晚吹涼意滿輕裾
草木浮元氣河山擁草廬拊心欣有得重展故人書
雲帶山籬簿溪橫舍屋斜卷懷忘仕版作苦事出家
疎散藏吾拙敷榮眷物華晚涼沙岸靜植杖自耘瓜
漠漠西山雨東來意甚徐澗深滋厚壤酒密下平蕪
巢燕歸飛急林鳩得雨呼有金堆積斗能揅曠乾無

過萬泉縣今廢

縣倚孤山碧崗圍落照紅一丘歸慘淡千室想豐融
絕澗縈樵徑懸崖半土空物繁耕壤狹寧得不唐風

A table with 12 columns and 10 rows. The table is mostly empty, with some faint, illegible markings in the rightmost column. The table is enclosed in a double-line border.

巴

